


# Vischnaunca Obersaxen Mundaun



Lescha da santeri

# Cuntegn

## I. Organisaziun, gestiun e survigilanza

Survigilanza ed execuziun	Art. 1
Incumbensas	Art. 2
Santeris communalas	Art. 3

## II. Uorden da sepultura

Preparativas dalla sepultura	Art. 4
Metter en vischi ed en bara	Art. 5
Liug da sepultura	Art. 6
Lubientscha da satrar	Art. 7
Taxas da sepultura	Art. 8
Tuchiez	Art. 9

## III. Uorden da santeri

Register dallas fossas	Art. 10
Successiun dallas fossas	Art. 11
Gener da fossas	Art. 12
Mesiras dallas fossas	Art. 13
Occupaziun dallas fossas	Art. 14
Ruaus dallas fossas	Art. 15
Disposiziun da rumir fossas	Art. 16
Rumir fossas	Art. 17
Qualitad dils vischals	Art. 18
Monuments	Art. 19
Manteniment	Art. 20
Schurmetg dil santeri	Art. 21

## IV. Disposiziuns transitoricas, finalas e penelas

Disposiziuns penelas	Art. 22
Mieds legals	Art. 23
Entrada en vigur	Art. 24

Sebasond sin artechel 6 dalla lescha cantunala davart il schurmetg dalla sanadad dil cantun Grischun, digl 1 da schaner 2018.

## I. Organisaziun, gestiun e survigilanza

Survigilanza ed execuziun	<b>Art. 1</b> La suprastonza communal ei cumpetenta pils fatgs da sepultura e santeri. Resalvond ulteriuras determinaziuns dil dretg surordinau eis ella responsabla d'exequir igl uorden da sepultura e santeri.
Incumbensas	<b>Art. 2</b> La suprastonza communal ha la suandontas incumbensas: a) relaschar igl uorden d'utilisar e mantener ils santeris; b) survigilar l'erecziun da fossas e monuments; c) lubir da slijar fossas e disponer da slijar talas suenter ch'il ruaus da fossa ei scadius; d) conceder lubientschas specialas per satrar persunas d'ordeifer; e) nominar e survigilar il personal necessari pils survetschs; f) relaschar igl uorden da taxas.
Santeris comunals	<b>Art. 3</b> Sco santeris publics dalla vischnaunca valan ils santeris comunals a Cuort/Meierhof, Surcuolm e Flond. Ell'elecziun dil santeri dueien vegnir risguardai tenor pusseivladads ils giavischs dil defunct e da ses confamiliars.

## II. Uorden da sepultura

Preparativas dalla sepultura	<b>Art. 4</b> L'administraziun communal pren encunter l'annunzia dil mortori. La vischnaunca dispona da preparar la fossa e pren en cass specials tuttas disposiziuns necessarias per la sepultura.  Il riug funeral religius han ils confamiliars d'organisar; dat ei negins confamiliars, mira la vischnaunca per ina sepultura undreivla.
Metter en vischi ed en bara	<b>Art. 5</b> In defunct astga vegnir mess en vischi pér suenter ch'in miedi praticont en Svizra ha constattau sia mort. Il transport da baras ei caussa dils confamiliars. La bara vegn messa en ina dallas capluttas da morts. Aschinavon che motivs dalla polizia da sanadad cunterfan buca a quei, sa la bara restar ella casa dalla mort tochen avon la sepultura.

**Art. 6**  
Liug da sepultura Tuttas burgheisas e burgheis, tuttas convischinas e convischins domiciliai ella vischnaunca Obersaxen Mundaun, tuttas personas che mieran sin territori dalla vischnaunca Obersaxen Mundaun sco era las baras anfladas leu vegnan satradas en in santeri public.

A negin astga vegnir refusau pervia d'ideologias da cardientscha ni per auters motivs ina sepultura undreivla sin in santeri public.

Sin giavisch dil defunct ni da ses confamiliars sa la sepultura succeder, cun lubientscha dalla suprastanza da lezza, sin in santeri public d'in'otra vischnaunca.

**Art. 7**  
Lubientscha da satrar Personas che habitavan buca ad Obersaxen Mundaun, ch'ei buca mortas ni anfladas mortas leu, astgan vegnir satradas sin in dils santeris dalla vischnaunca Obersaxen Mundaun sulettamein cun lubientscha dalla suprastanza communal.

**Art. 8**  
Taxas da sepultura Las taxas da sepultura vegnan incassadas tenor igl uorden da taxas che la suprastanza communal relai pils fatgs da santeri e da sepultura.

**Art. 9**  
Tuchiez Il tuccar da morts succeda per tuts domiciliai en vischnaunca. Il cuoz e la dimensiun dil tuchiez sedrezzan tenor las isonzas dallas pleivs da Obersaxen Mundaun.

### III. Uorden da santeri

La formaziun dils santeris e la successiun dallas fossas fa la vischnaunca cun in plan dils santeris.

**Art. 10**  
Register dallas fossas La vischnaunca meina in plan dall'occupaziun dils santeris. En quel ein da registrar cuntinuadamein num, prenum ed onn da mort da scadina persona satrada.

**Art. 11**  
Successiun dallas fossas La successiun dallas fossas sedrezza tenor il plan dils santeris.

**Art. 12**  
Gener da fossas  
Ei vegnan differenziadas:  
- fossas en retscha per vischals;  
- fossas en retscha per urnas;  
- fossas communablas mo per urnas sils santeris Flond e Cuort/Meierhof (cun ni senza plachetta).

Las fossas en retscha vegnan fatgas en successiun cuntinuada.

Urnas vegnan satradas en fossas ordinarias en retscha, ellas fossas communablas ni ellas nischas per urnas.

**Art. 13**  
Mesiras dallas fossas  
Santeri Cuort/Meierhof  
La distanza denter las singulas fossas ha dad esser minimalmein 55 cm.

Las fossas han da vegnir cavadas cullas suandontas profunditads minimalas:

Carschi ed affons sur 10 onns	1.50 m
Affons sut 10 onns	1.20 m
Urnas	0.80 m

Santeris Flond e Surcuolm  
La distanza denter las singulas fossas ha dad esser minimalmein 40 cm.

Las fossas han da vegnir cavadas cullas suandontas profunditads minimalas:

Carschi ed affons sur 10 onns	1.60 m
Affons sut 10 onns	1.20 m
Urnas	0.80 m

**Art. 14**  
Occupaziun dallas fossas  
Scadin vischi e scadina urna ei da satrar en ina fossa separada. Excepiu da quei ei la fossa communabla per urnas.

Sin giavisch dil defunct ni dils confamiliars vegn ei lubiu da satrar ina ni pliras urnas en ina fossa ch'ei gia occupada. Il temps dil ruaus da fossa vegn cunquei buca prolungius.

La lavur da plazzar entuorn l'urna pil temps restont dil ruaus da fossa succeda sin cuost dils confamiliars.

**Art. 15**  
Ruaus dallas fossas  
Il ruaus da fossa per fossas da vischals e d'urnas ei 20 onns. Sin giavisch dils confamiliars sa il ruaus da fossa per urnas vegnir scursanius.

Sche fossas vegnan sligadas suenter ch'il ruaus da fossa ei scadius, ein eventuala ossa ed urnas da satrar undreivlamein.

**Art. 16**  
Disposiziun da rumir fossas  
Suenter ch'il ruaus da fossa da 20 onns ei scadius, dispona l'administraziun communal da rumir las fossas en retscha. Quei sto vegnir communicau als vegnentssuenter e confamiliars silmeins 8 jamnas avon il termin dalla rumida.

**Art. 17**  
Rumir fossas  
Succeda ina rumida buca enteifer il termin disponiu, vegn ella fatga per incumbensa dalla suprastanza communal, ils cuosts vegnan adossai als vegnentsuenter e confamiliars.

La vischnaunca dispona da monuments che vegnan buca retratgs enteifer il termin.

**Art. 18**  
Qualitad dils vischals  
Per las sepulturas ella tiara eis ei da duvrar vischals ord sorts da lenn lom.

**Art. 19**  
Monuments  
Per ereger in monument eis ei da consultar ordavon la vischnaunca. Ils monuments dueien corrispunder allas pretensiuns esteticas e s'integrar harmonicamein el santeri. Monuments astgan vegnir eregi sil pli baul 9 meins suenter la sepultura. Tier fossas dad urnas scroda quei temps da spetga. Mintga monument duei purtar num, prenum, onn da naschientscha e da mort dalla persuna defuncta. Excepziun: Fossa comunabla per urnas: l'inscripziun ei facultativa.

Pil santeri Cuort/Meierhof vala:

Il monument astga consistier da crap, lenn ni metal.

*Per fossas cun vischals:*

Altezia sur la rama	tochen 140 cm
Ladezia	50 cm
Grondezia dalla rama	160 x 60 cm

*Per fossas d'urna:*

Altezia sur la rama	80 – 90 cm
Ladezia	40 – 50 cm
Grondezia dalla rama	60 x 60 cm

*Nischas per urnas:*

Las plachettas per l'inscripziun ein da retrer tier la vischnaunca, ellas astgan vegnir formadas individualmein.

Per il santeri Surcuolm vala:

Mintga fossa ha da vegnir formada cun ina cruscha da fier. Monuments da crap ein buca lubi.

La grondezia dallas cruschs-fossa ein fixadas suandontamein:

*Per fossas cun vischials:*

Altezia sur la rama	110 – 140 cm
Ladezia	50 – 60 cm
Grondezia dalla rama	160 x 60 cm

*Per fossas d'urnas:*

Altezia sur la rama	80 – 90 cm
Ladezia	40 – 50 cm
Grondezia dalla rama	60 x 60 cm

Il sochel dalla crusch astga esser da material artificial ni natural. Sochel vegls astgan vegnir reutilisai. Il sochel per la crusch astga buca esser pli aults che 15 cm.

Per il santeri Flond vala:

Mintga fossa ha da vegnir formada cun in monument. Monuments d'in auter material che crap ein buca lubi. Il crap astga esser natirals ni artificials.

La grondezia dils craps-fossa ei fixada suandontamein:

*Per fossas cun vischials:*

Altezia sur la rama	80 – 110 cm
Ladezia	40 – 50 cm
Grondezia dalla rama	160 x 60 cm

*Per fossas d'urnas:*

Altezia sur la rama	70 – 80 cm
Ladezia	40 – 50 cm
Grondezia dalla rama	60 x 60 cm

Sin tut ils santeris ston esser tschentadas enteifer 12 meins per tuttas fossas ina rama da crap ni da betun. Quella sto vargar si il terren carschiu per 10 cm.

**Art. 20**

Manteniment

Ils confamiliars ein obligai da mantener la fossa e la decoraziun floreala conform agl uorden usitau. Vegn quell'obligaziun negligida, dispona la suprastanza communal da far uorden, ils cuosts vegnan adossai als responsabels pil manteniment.

Aschinavon ch'ei ha consequenzas stravagadas sil contuorn eis ei scumandau da plantar plontas e caglias sillas fossas.

Excepziun fossas comunablas: La vischnaunca procura il manteniment.

Il manteniment digl ulteriur areal da santeri ei caussa dalla vischnaunca.

Schurmetg dil santeri	<b>Art. 21</b> Igl access agl areal da santeri ei lubius per in e scadin.  Scumandau ei en special: <ul style="list-style-type: none"><li>- far canera ni auter sedepurtar disturbont sin il spazi dil santeri;</li><li>- donnegiar ni tschuffergnar las fossas ed igl ulteriur areal dil santeri;</li><li>- prender giu ni allontar fluras senza lubientscha;</li><li>- vegnir cun tgauns en santeri.</li></ul>
-----------------------	---

#### **IV. Disposiziuns transitoricas, finalas e penelas**

Disposiziuns penelas	<b>Art. 22</b> Violaziuns da questa lescha sa la suprastonza communal castigiar cun multas tochen 1000 francs.
----------------------	---

Mieds legals	<b>Art. 23</b> Encunter las disposiziuns e decisiuns dall'administraziun communal sa vegnir inoltrau protesta enteifer 30 dis a scret alla suprastonza communal. La protesta ha da cuntener ina proposta ed ei da motivar.
--------------	---

Encunter decisiuns dalla suprastonza communal san vegnir recurriu enteifer 30 dis tier la dertgira administrativa dil cantun Grischun.

Entrada en vigur	<b>Art. 24</b> Questa lescha entra en vigur immediat suenter che la radunonza communal ha approbau ella. Sin quei mument vegnan abrogadas las ordinaziuns dall'anteriura vischnaunca Obersaxen dils 14 da zercladur 2002 e dall'anteriura vischnaunca Mundaun dils 15 da november 2013.
------------------	--

Approbau dalla radunonza communal ils 4 d'october 2018.

Il president communal

Sig. Ernst Sax

Il scarvon communal

Sig. Hiazint Brunold